



13



誠齋集卷第十五

詩

南海集

庚子正月五日曉過大鼻渡

霧水江山看不真只憑雞犬認前村
渡船滿板霜如雪印我青鞋第一痕
危沙崩岸欲侵墻直下清江百尺強
過了筍輿元未覺忽然回首冷思量

曉霧

不知香霧濕人鬢日照鬢端細有珠
政是春山眉樣

廬陵楊

萬里

廷秀



翠被渠淡粉作糊塗

送胡端明赴召

紫泥夜下日星暉赤烏朝看袞綉歸中國如今相司
馬四夷見說問非衣金魚玉帶明霜鬢斗極台符拱
太微衛武年齡子儀考一身雙美古來稀

曉出郡城往值夏謁胡端明泛舟夜歸

郡城至值夏兩日非寬程奔走豈吾願詔書從南征出郭星
未已歸棹月已生問人水深淺舟子喧未磨水石代
之對淙然落灘聲危峰起夕蒼晴潭生夜清江轉風
颯至病肩難隱稜添初嬾尋衣忍寒良不能近城二三

里遠岸三四燈望闕恐早閉驅舟抵遲行多情半環
月久矣將西傾欵落且小留知我要入城月細光未
多火星助之明至舍心未穩麈譙才一更

之官五年過太和縣登快閣觀山谷石刻賦
兩絕句呈知縣李紳公垂主簿趙蕃昌父

閣中陳迹故依然欵問風流已百年南岸一峯東一
塔自言曾識老詩仙

廬陵山水說西昌天未遣金華印此邦詩本道他將取
去如何遺下一澄江

題龍舜臣遜志齋

龍子辛勤詩紙田少年筆勢已翩
欵知聖處真消息不是原夫一兩聯

二月一日曉渡太和江

綠楊接葉杏交花嫩水新生尚露沙
過了春江偶回首隔江一岸好人家

曉翠妨人看遠山小風偏入客衣
單桃花愛做春寒信只恐桃花也自寒

二月初頭向中花梢薄日柳梢風折
花客子渾無賴狼籍酒教滿地紅

晨炊黃宙鋪飯後山行

山行得軟如綿急上籃輿睡雲間
夢裏只聞人唱道不知過盡數重山

宿灘頭海智寺

平生行路敢求安便要求安也大難
古寺無門更無壁若教半夜作春寒

明蕪海智寺遇雨

枉教一月費春風不及朝來細雨功
草色染來藍樣翠桃花洗得肉般紅
可惜新年雨未多不妨剗與決天河
農人皺得眉頭破無水種秧君柰何

題太和主簿趙昌父思隱堂

西昌主簿如禪僧日餐秋菊嚼春冰西昌官舍如佛
屋一物也無唯有竹俸錢三月不曾支竹陰過午未
晨炊大兒叫怒小兒啼乃翁對竹方哦詩詩人與竹
一樣瘦詩句與竹一樣秀故山蒼玉搖綠雲月梢風
葉最閑身勸渠未要思舊隱且與西昌作好春

萬安道中書事

玉峰雲剝逗斜明花徑泥乾得晚行細一風寒裏
暖時教點雨中晴

攜家滿路踏春華兒女欣不憶家騎吏也忘行役

苦一人、揀一枝花

桃花薄相點臙脂輸與梨花雪作肌只有垂楊不脂
粉縷金鋪翠襯腰支

萬安出郭早行

玉花小朵是山礬香殺行人只欲顛風掠水衣無處
去柳塘着在角頭邊

皇恐灘

兩山夾岸走蒼龍未放中間過玉虹只愛當頭一峰
好一峯外面更三峯
只愁江水去無還石打銀濤倒上灘道是此灘天下

惡古今放過幾檣竿
小頓溪友語陽侯好遣漂沙蓋石頭能費奔流多少
力前頭幸有一沙洲

過皂口

巖石三百里春流十八灘路從青壁絕舡到半江寒
不是春光好誰供客子看猶須一尊渌併遣百憂寬

宿皂口驛

倦投破驛歇征驂喜見山光正蔚藍不奈東風無檢
束亂吹花片點春衫

晚過皂口嶺

夜渡驚灘有底忙曉攀絕磴更禁當周遭碧嶂無人
跡圍入青天小冊方半世功名一雞肋平生道路九
羊腸何如上到梅花嶺北望螺峰半點蒼

道傍小梅

吹盡殘桃無可殘也無地上落花痕獨行尋到青苔
處拾得嫣紅一片看

晨炊皂徑

問路無多子驅車半日問行穿崖石古踏破蘚花斑
綠語鶯邊柳青眠水底山人家豈無地爭住小溪灣
步過分水嶺

路險勞人殺儂酒下驕行石從何代落巖傍舊根生
古樹無今態幽泉有暗聲只言章貢近猶自兩三程

憩分水廟望鄉

嶺頭泉眼一清流南入虔州北吉州只隔中間些子
地水聲滴作兩鄉愁

嶺北泉流分外忙一聲一滴斷人腸浪愁出却廬陵
界未入梅山總故鄉

桂源嶺

萬山不許一溪奔攔得溪聲日夜喧到得前頭山脚
盡堂、溪水出前村

社日南康道中

東風試暖却成寒春恰平分又斫殘淡着烟雲輕着
雨近遮草樹遠遮山人行柳色花光裏天接江西嶺
北間管領社公須行樂在家在外匹如閑

小溪至新曲

人烟懔懔不成村溪水微茫劣半分流到前灘忙似
箭不容雨點稍成紋

只愛孤峯惹寸雲忽驚頭上雨翻盆北來南去緣何
事路上君看屐子痕
晚雲解事忽離披放出千峯特地奇欲揀一峯錐子

是擬如筆未退尖時
懊惱春光欲斷腸來時長緩去時忙落紅滿路無人
惜踏作花泥透脚香

二月十九日度大庾嶺題雲封寺梅山

梅山未到未教休到得到得梅山始欲愁知道望鄉看不見

也須一步一回頭

小立峯頭望故鄉故鄉不見只蒼蒼客心恨殺雲遮
却不道無雲即斷腸

梅葉成陰梅子肥梅花應恨我來遲明年若寄江西
信莫折南枝折北枝

行看南來今幾春一回舉似一回新鉢盂奪得知何
用不怕梅花解笑人

題南雄驛外計堂

携家度嶺夜乘槎小泊凌江水北涯二月山城無菜
把一年春事又楊花舉頭海國星辰近回顧梅山草
樹遮客子相逢聞好語看山只欠到南華

二月二十三日南雄解舟

昨夜新雷九地鳴今朝春漲一篙清順流更借江風
便此去韶州只兩程
水沒蒲牙尚有稍風吹屋角半無茅急灘未到先聞

浪枯樹遙看只見巢

舟過黃田謁龍母護應廟

遠山相別忽相尋
水到黃田漸欲深
見說前頭山更好
且留好句未須吟
南康名酒有殘樽
急喚荷杯作好春
紫幕能排北風冷
夕陽偏惜半舡溫

再過謝潭

風頭繞北忽成南
轉眼黃田到謝潭
髣髴一峯舡外影
褰帷急看紫峴巖
夾江百里沒人家
最苦江流曲更斜
嶺草已青今歲

葉岸蘆猶白去年花

碧酒時傾一兩杯
舡門纔閉又還開
好山萬皺無人見
都被斜陽拈出來

明發階口岸下

破曉篙師報放舡
今朝不似昨朝寒
夢中草：披衣起
愛看輕舟下急灘

過鄭步

漸有人家松桂叢
韶州山水勝南雄
未酒青惜峯峦過
了諸峯得好峰

過鼓鳴林山雨

浙、舡蓬雨點聲疎、江面穀紋生石峯斗起一千
丈身在假山園裏行
下瀧小舡戴尖蓬未論千峯與萬峯只是舟人頭上
笠也堪收入畫圖中

明發韶州過赤水渴尾灘石山七峯皆尖秀
而一峯最高

舡下驚灘浪正喧花汀水退走沙痕一峯忽自雲端
出只見孤尖不見根

三月一日過摩舍那灘阻雨泊清溪

一聲霹靂霽光收急泊荒茅野渡頭摩舍那灘衝石

過曼陀羅影漾江流山纔入眼雲遮斷舡欲追程雨
見留夜宿清溪望清遠舉頭不見隔英州

過盡危灘百不堪忽驚絕壁翠峴倒垂不死千年
樹下拂奔流萬丈潭隔岸數峯如筆格倚天一色染
春藍真陽此去無多子到日應逢三月三

小泊英州

人人藤葉嚼檣柳戶戶茅簷覆土床只有春風不寒
乞隔溪吹度柚花香

數家草、劣無多點水飛鷺也不過道是荒城斗來
大向來此地着東坡

過真陽峽

玉削雙崖一水通一重一掩更重一平生山水看多

少最愛真陽第二峯石山四峯
比來第二

峯絕

奇

莫道無人這六窮尚餘碧篠伴青楓白雲不是從天

降坐看生從翠崦中

仰見青天尺許青無波江水不勝平只鷺白晝山竹

裂杜宇初聞第一聲

堪笑跳波數百灘如何入峽頃無喧人言此峽如巴

峽只欠三聲墮淚猿

榕樹陰中一葦橫鷓鴣聲裏數峯青南人到此六腸

斷不是南人作麼生

百灘千港幾濤波聚入真陽也未多若遣峽山生塞

了不知江水倒流麼

晨炊光口砦

泊艇光口暮晨炊野飯匆不整齊新摘柚花薰熟
水施撈萬荳泥生蠶儘教坡老食無肉未害周公醉
似泥過了真陽到清遠好山自足樂人飢

出峽

朝來入峽悶艇遲也有欣然出峽時山色亦如人送

客送行倦了自應歸

舡行儘緩底頭忙詩卷聊堪度日長瓶裏柚花偷觸
鼻忽然將謂是燒香

過沙頭

非烟非雨淡濛濛深閉窓扉護晚風舡外山光簾裏
翠岸頭花影鏡中紅

過了沙頭漸有村地平江濶氣清溫暗潮已到無人
會只有篙師識水痕

昨來飛擲下危瀧不敢窺窓只閉窓莫歎江平舡不
進只將行後當遊江

題清遠峽山寺

只道真陽天下稀不知清遠亦幽奇攀崖不照龍湫

水細詠東坡老子詩

見說巖中雪猿嘯色聲時出翠微間不看新月初三

夜却覓當時舊玉環

舡中蔬飯

食蕨食臂莫食拳食笋食指莫食根何曾萬錢方下

筋先生把菜亦飽去嶺南風物似江南笋如束薪蕨

作籃先生食藉幾萬卷十巖萬壑皆厨傳

過昏口鎮

梳柳葉垂翠羽鮮木綿花煖紫霞翻疾雷急雨忽開
霽淡白雲拂濃青山

清明日欲宿石門未到而風雨大作泊靈星

小海

風雨來從海外天靈星海裏泊樓舡坐吟苦句斟愁
酒也是清明過一年

峽山前夕石間行泊得舡時破膽驚到今霄已無
膽聽風聽浪到天明

石門欲到更無疑隔海風濤未可期到得石門非不
好只愁未到石門時

一生行路竟如何樂事還稀苦事多知是風波欺客
子不知客子犯風波

波濤端不為君休風雨何曾管客愁自古詩人磨不
倒一樽大笑謝陽侯

石門未到未為遲小泊靈星也自奇此去五羊三十
里明朝還有到城時

五羊官舍春盡晚步西園荷橋

波底金鴉奪眼明脚根蟬螻界天橫瘦藤欲度還休
去試看荷錢幾箇生

讀天寶事

日晚無烟起御厨野人豆飯未嫌麤問知雲子炊香
日正是梨花帶雨初

西園晚步

龍眼初如菘豆肥荔枝已似拂螺兒南荒北客難將
息最是殘春首夏時

為愛荷池日：來一來一度眼隻開畫舫不曉風相
戲猛觸花堤得倒回

三月晦日游越王臺

榕樹梢頭訪古臺下看碧海一瓊杯越王歌舞春風
處今日春風獨自來

越王臺上落花春一掬山光兩袖塵隨分杯盤隨處
醉自憐不及踏青人

四月八日嘗新荔枝

一點胭脂染蒂旁忽然紅遍綠衣裳紫瓊骨酪丁香
瘦白雪肌膚午暑涼掌上冰丸那忍觸樽前風味獨
難忘老饕要啖三百顆却怕甘寒凍斷腸

夏日書事

一字看成兩霜鬢摘轉多既無書冊分柰此日長何
荔子紅初皺春醅碧欲波醉來愁自去不去亦從它

四月中休日聞蟬

荔枝葉底暑陰清已有新蟬一兩聲
荷露柳風餐未飽怪來學語不分明

觀書

客從遠方至遺我書一編覽日眼全痛
誦新神始還初被愁欲盡久翫醫羽不妍情
知無佳處團兔復竟篇庶几高洋中或滙腴
一消終然寂無獲所獲倦且昏倦甚得任睡
猶勝不得眠

得壽仁壽後二子中塗家書

二子別我歸兼旬無消息客有饋荔枝盈
、風露色絳羅蹙寶髻冰彈濺拓液老夫非
不饒忍饒不忍喫

急呼兩健步為我致渠側黠教川陸程
幾日當返後惟愁香味壞色變那敢惜
十日兩騎還千里一紙墨把書五行下
廢書雙淚滴不如未到時當喜番不憚
子壯抵覺幼子學抵覺遲二子忽頎然
語離又作悲今年來官下二子暫我隨
懸知住不久且復相從嬉鶴書自天降
槐花呼如歸伯也恐我愁願留不忍辭
仲也慘不釋飛鳴思及時豈有鳳將雛
長禁其飛決焉遣還家一笑更不疑傍
人怪無淚、入肝與脾我昔如汝長壯
志在四方集賢給筆札秉燭促夜裝
平明出門去振衣不傍徨先君泫然泣
感我令我傷

先君願我語汝行勿斷賜它日汝養子此悲會身當
老懷追陳迹心折涕泗滂

緒破篋得張欽夫唱和詩

年：不是不吟詩吟得詩成寄阿誰留取朱絃不須
斷只將瑤匣鏤蛛絲

休日

休日稀公事炎天廢故書未須搔白首留取試新梳
不是平生嬾何緣作計踈閑携小兒女橋上看芙蓉

宴客夜歸六言

月在荔支梢上人行秣利花間但覺曾吞碧海不知

身落南蠻

端午後頓熱

只今新暑已歎然作麼禁當六月天飛上風前最涼
處年：輸與柳梢蟬

夏至後初暑登連天觀

登臺長早下臺遲移遍胡牀無處移不是清涼罷揮
扇自緣手倦歇些時

六月九日曉登連天觀

小立層臺岸幅巾除鴛作伴更無人曉風草：君知
麼不為高荷惜水銀

七夕新涼

商量秋思是寒蟬將息荷花得早涼
玉扇從來說炎熱來已怯葛衣裳

嘉定元年三月男長孺編定

端平元年夏五月門人羅茂良校正

誠齋集卷第十五

誠齋集卷第十六

廬陵楊萬里

廷秀

詩

南海集

雨霽登連天觀

高臺十日不曾登
雨後檣藤柱晚晴
城外諸峯迎落照
松根細草總斜明
眼穿嶺北書不到
秋入海南愁頓生
只有荷花舊相識
風前翠蓋為人傾

秋夕雨餘

虛堂無人自行畫
簷雨歇殘點聲朝來
餘暑忽然

過昨來初暑誰能那一生畏暑如荼菟老年畏暑菟
不如人言嶺南分外熱匹似江南猶可說今年六月雨
如秋只今七月當更愁短檠幸未卧墻角喚取渠來
相博約老眼那能舒簡編只要玉虫伴杯酌

游蒲澗呈周帥蔡漕張舶

勝日從公蒲澗游萬壑聲滿千崖秋一迳如蛇三百
曲繞盡山腹到山頭穹巖千仞歆歆裂仰看飛泉瀉
雲窟鏘成環珮奏成琴濺作珠玑霏作雪步穿危磴
攀蒼藤忽上穹巖頂上行人在半天泉在井不敢下
瞰惟聞聲只怪前驅深不見湏臾却向前山轉海風

吹袖萬丈長海水去人一弓遠老僧高卧晏未興先
遣長松夾道迎小參古殿黃面老不見舊日安期生
景泰上方半堵壁城中望之雪山白却從景泰望城
中曉日樓臺煥金碧君不見中流千金博一壺不如
游山飢時粥一盃金印繫肘大如斗不如游山倦時
一杯酒安期飛昇今年祖龍不是不求仙至今年
七月二十五日傾城游人來訪古

得壽仁壽俊二子書皆以病不及就試且報

來期

二子何時到三秋歆盡頭收渠半張紙洗我一年愁

不得毛錐力元非子墨羞海山寒更碧整駕待同游
滿望鵬飛上誰令馬不前草玄真浪苦曳白亦無緣
兄弟年二十塵埃路四千速來飲官酒不用一銅錢

送蔡定夫赴湖南提刑

菊後霜前換綉衣湖南嶺北看梅枝還將方策汗青
語拈出園扉草綠時四海凡人憐我老三年兩作送
君詩惜今貴殺衡陽紙半幅无妨慰夢思
方丈蓬萊第一人星軺玉節正青春只今回鴈峯頭
客曾觸神龍額下鱗未遣五紋朝補袞便應三字夜
司綸湘江綠淨不可唾却要珠璣效唾新

和石湖居士范至能與周子充夜游湖松

江詩韻

石湖醉眼小太空烏紗白紵雙鬢蓬翰林未從昭回
上滿袖天香山水中青山半邊日欲沒珠宮湧出初
團月兩仙一棹軟琉璃碎撼廣寒桂花雪中流浪作
凜不回兩手播灑千銀堆不知浩二洪流後曾有茲
遊奇特來古人令人烟一抹誰煎鱗角續經絕一生
句裏萬斛愁只白秋來千丈髮

遣騎問訊范明州參政報章寄二絕句和韻
謝之

南海人泛東海歸新詩到日恰梅時
撚梅細比新詩
看未必梅花瘦似詩
一別姑蘇江上臺
綠波碧草恨悠哉
忽然兩袖珠璣
滿割取三吳風月來

至日薄寒

舊傳冬不到南中
今歲南中稍
冬曦暮暖吹紅皴
起霜橋冷步縞聲
鬆裁縫
苦思詩千首
排遣清愁酒
一鍾不是梅花開
獨耳似憐北客老相逢

晚登連天觀望越臺山

暮山如淡復如濃
烟拂山前一兩重
山背更將霞萬

足二紅錦障
裹青峰

近臘暄甚

霜日知春有信
歸臘前偷暖
漏春暉
北風也翦寒梢
葉吹作鶯黃亂蝶飛

西園早梅

已刻酥花趁臘前
更團蠟糝等春妍
不知天巧能多
少一朶梅花占兩年
小朶生來便瘦斜
葉宮桂殿即渠家
只言瘴雨無南
雪為底橫枝雪作花

病中夜坐

月留銀漢小徘徊似戀空庭獨樹梅玉漏聽來更二
點燭花剪了暈重開病身不飲看人醉乾雪无端上
鬢來後日老衰知健否如今六九已摧墮

辛丑正月二十五日遊蒲澗晚歸

桃李深酣日池塘淺試春霽暉搖遠水新煖軟遊人生
酒清無色青梅脆有仁烟鍾能底急催我入城闈

二月一日雨寒

南方氣候北方殊春裏清寒臘裏無雨入竹林渾不
見只來葉尾作真珠

補盡空櫺閉盡門茶甌火閣對爐熏中庭淺水休教

掃正要留看雨點紋

梳頭正美睡相催理盡霜絲夢恰回窻隙小風能幾

許也吹蛛網去還來

姚黃魏紫向誰賒郁李櫻桃也淺些却是南中春色
別滿城都是木綿花

只見春晴通是晴不知半夜嫩寒生疾風吹落林間
雨細雨還成大雨聲

謝^福建、茶使吳德華送東坡新集

黃金白壁明月珠清歌妙舞傾城姝他家都有儂家
無却有四壁環相如比外更有一床書不堪自飽！

蠹魚故人遠送東坡集舊書避席皆讓渠兒時作劇
百不懶說看讀書偏起晚乃翁作惡嗔兒痴強遣飢腸
餓蠹簡老耒萬事落人後浪取故書遮病眼病眼逢書輒看
夜筆下蠅頭成老鴉病眼將奈故書何故書一開一
長嗟東坡文集儂亦有未及終篇已停手印墨模糊
紙不佳亦非魚網非蚪斗富沙枣木新雕文傳刻疎
瘦不失真紙如雪繭出玉盆字如霜鴈點秋雲老耒
兩眼如隔霧逢柳逢花不曾覩只逢書冊佳且新把
翫崇朝那肯去東坡痴絕過于儂不將一禍易三公
只將筆頭挂月脇萬古凡馬不足空故人憐我老愈

拙不寄金丹扶病骨却寄此書來惱人挑落青燈搔
白髮

新晴西園散步

久雨令人不出門新晴喚我到西園要知春事深和
淺試看青梅大幾分大音情

池水初生蓋玉沙雨餘碧草臥堤斜日搖波影纏橋
柱綉出桑枝遍地花

紅雨斑斑竹外蹊黃金菊水邊絲拳頭揀遍低陰

處帶葉青梅摘一枝

厭見山居要出來出來厭了却思回人生畢竟如何

是且看桃花晚蒼開

連天觀望春憶毗陵翟園

中和節後社前春，到園林晷晚枝弄水不外携扇
手登臺猶粟向風肌鳥鳥聲裏山光濕花柳陰中日
脚遲北望翟園春正開海棠錦繞雪茶蘼

二月將半寒暄不常

南中冷煖直難齊一日之間具四時脫了又添：又
脫寒衣暑服鎮相隨

二月十三日謁西廟早起

起來洗面更焚香粥罷東窓未肯先古語舊傳春夜

短漏聲新覺五更長近來事：都無味老去波：有

底忙還憶山居桃李曉醪醱為枕睡為鄉

寄題蕭國賢佚我堂

軟紅塵裏幾時休重碧杯中且拍浮坐着痴見夸絕
足可憐到老不回頭幅巾藜杖聊三徑明月清風自
一丘我亦年來厭奔走夢騎野鶴放沙鷗

題梳柳樹

化工到得巧窮時東補西移也大奇君看梳柳一窠
子竹身杏葉海棠枝

春晴懷故園海棠

故園今日海棠開夢入江西錦綉堆萬物皆春人獨
老一年過社燕方回似青如白天濃淡欲墮還飛絮
往來無那風光餐不得遣詩招入翠瓊杯
竹邊臺榭水邊亭不要人隨只獨行乍暖柳條無氣
力淡晴花影不分明一番過雨來幽徑無數新禽有
喜聲只欠翠紗紅映肉兩年寒食負先生
予去年正月
離家之官蓋
兩年不見
海棠矣

初食笋蕨

庖鳳烹龙世浪傳腥膻熊掌我無緣只逢笋蕨杯盤
日便是山林富貴天椰子玉膚將新脫錦小兒紫臂未

開拳只嫌嶺外無珍饌一味春蔬不直錢

上巳前一日欲雨復晴

去年上巳正南來明日初三忽又催雨壓雲頭渾欲
落風番日脚急吹開莫因嶺外無花卉便對春光廢
酒杯只揀茂林脩竹處蘭亭禊事足追回

寒食對酒

荔枝園、花寒食日、雨先生多老病頗已踈綠醅兒
童喜時節笑語治樽俎南烹供前陳北果亦草具
蝸蟻方絕甘笋蕨未作苦先生欲獨醒兒意難多拒初
心且一杯三杯亦漫許醒時本強飲醉後忽快舉一

杯至二杯一二三四五偶然問兒輩卒爵是何處
兒言翁但醉已忘酒巡數

三月晦日閑步西園

嶺南春去儘縱伊元自無花可得飛只有草花偏稱
意強留蝴蝶不教歸

閏三月二日發舡廣州來歸亭下之官憲臺
詩人正坐愛閑遊天遣南遊天盡頭到得廣州天盡
處方教回首向韶州

曉過石門回望淨慧塔

昨晚匆、解畫舡石門未到已黃昏殷勤淨慧烟中

塔送我今朝過石門

舟行得風晚至靈洲

春盡儂隨去江行興未窮時煩數點雨輕洒一孤篷
岸樹蒼茫外人家點綴中海神能餞我借與半帆風

明蕨青塘蘆包

青塘無店亦無人只有青蛙紫蚓聲蘆荻葉深蒲葉
淺荔支花暗揀花明舡行兩岸山都動水入諸村海
旋成回望越臺烟雨外萬峯盡處五羊城

過胥口江水大漲舟楫不進

北江西水兩相逢胥口波濤特地雄萬事向儂冰與

炭一生行後雨和風急流欲上人聲鬧近岸還移牽去
路窮河伯喜歡儂苦惱併將恩怨惱天公

岸沙

水嫌岸窄要衝開細蕩沙痕似剪裁蕩去蕩來元不
覺忽然一片岸沙摧

遣悶

江樹深春色村雞薄晚聲雨添青豎重人減畫舫輕
遣悶惟須睡哦詩只強成獨判連日雨却惜半朝晴

曉發黃巢硯芭蕉

清遠山前烟雨濛黃巢硯畔水連空旋芟蘆荻吹朝

飯更斫芭蕉補漏蓬

水落

桑堪垂紅似荔支荻芽如臂與人齊夜來水落知深
淺看取芭蕉五尺泥

輕寒瑟瑟入舡中閉却舡門下却篷要得新晴江水
落不應更恨打頭風

蚤戶

天公分付水生涯從小教它踏浪花煮蟹當糧那識
米緝蕉為布不須紗夜來春漲吞沙嘴急遣兒童斷
荻芽自笑平生老行路銀山堆裏止浮家

回望黃巢磯之險心悸久之
夜雲到晚不教收初日微明又却休雨為岸花新洗
面水撩江草只搖頭千篙百棹力都竭十里九磯舡
正愁若到峽中應更險却思峽外是安流

入峽歌

峽山未到日、愁峽山已到愁却休不是朝來愁便
散愁殺人來天不管昨宵遠望最高尖今朝近看雲
隔簾樓舡衝雨過山下西扇屏風生色盡江神不遣
客心驚雲去雲來遠岩局忽然褰雲露山脚仰見千
丈翠玉削篙師相賀漲痕落今夕可到鷓磯泊

峽山寺竹枝詞

峽裏撐舡更不行擢郎相語改行程却從西岸拋東
岸依舊舡頭不可撐

一水雙崖千萬縈有天無地只心驚無人打殺杜鵑
子雨外飛來頭上聲

龜魚到此總回頭不但龜魚蟹亦愁底事詩人輕老
命把灘衝石去韶州

一灘過了一灘奔一石橫來一石蹲若怨在來天設
險峽山不到也由君

天齊浪自說涪溪峽與天齊真箇齊未必峽山高尔

許者來只恐是天低

峽中得風掛帆

樓船上水不寸步而山慘
愁將暮一聲霹靂天欲
雨隔江草樹忽起舞風從海南天外來怒吹峽山
倒開百夫絕叫椎大鼓一夫飛上十尺桅布帆掛了
却袖手坐看水上鷺毛走

夜泊鷓鴣磯

峽中冬日沒人烟舡泊鷓鴣磯也有村已被子規酸骨
死今宵第一莫啼猿

過顯濟廟前石磯竹枝詞

石磯作意惱舟人東起波濤遠怒奔撐折萬萬渾不
枉石磯贏得萬餘痕
大磯愁似小磯愁篙稍寬時舡即流撐得篙頭都是
血一磯又復在前頭

泊光口

風平浪靜不生紋水面渾如鏡面新忽有暗流江底
出濼番水面作車輪

過虎頭磯

虎臥中流兩扼涯目光鬚怒首仍回真陽峽裏君須
記箇是瞿塘灩澦堆

真陽峽

清遠雖佳未足現真陽佳絕冠南蠻一泉嶺背懸崖
出亂洒江邊恠石間夾岸對排雙玉筍此峯外面萬
青山險艱去處多奇觀自古何人受險艱

夜泊英州

旅病情先惡愁眠夢更驚犬酒終夕吠月到五更明
未解波頭意偏乘枕底聲平生厭行路投老正追程

阻風鍾家村觀岸傍物化

水虫繞出綠波來細看爬沙上石崖化作蜻蜓忽飛
去幾時飛去却飛回

殼如蟬蛻濕仍新那復浮嬉浪底春却把今身飛照
水不知石上是前身

題鍾家村石崖

莫愛懸崖万丈高只工險峭作風濤看來一一生窠
眼解與行人着過篙
水與高崖有底寬相逢不得鎮相喧若教漁父頭無
笠只着蓑衣便是猿

阻風泊鍾家村離英州已三日繞行二十里

南遊端為看山來過眼匆匆首屢回不是阻風舡不
進何緣看盡萬崖鬼

滿舡兒女厭江行
我愛江行怕入城
慙愧風師教款
曲為分一舍作三程

檄風伯

峭壁呀、虎擘口惡灘油、雷出吼
沂流更着打頭
風如撐鉄舡上牛斗風伯勸尔一杯酒
何須惡劇驚
詩叟端能為我霽威否岸柳掉頭
荻搖手

嶺雲

好山幸自綠蘄、酒把輕雲護淺嵐
天女似憐山骨瘦為縊霧縠作春衫

病中止酒

葛衣着了却生寒
風勢顛時正上灘
客裏无聊已無奈
更教止酒過春殘

江草江花怨阿誰
山風山雨總成悲
春愁萬斛無安頓
旋分張乞小詩

明發陳公徑過摩舍那灘石峯下

遙松烟未消
近竹露犹滴
石峯矜孤銳
喜以江自隔
清潭涵曦紫
碧岫過雲白
回瞻宿處堤
路轉不可覓
地迥人絕影
山僻虎面跡
下有無底潭
上有欲落石
是間一迳橫
夾似以万松直
樹從何時有
陳公所手植
陳公今為在迳松自寒碧

昨宵望石峯相去無一尺今日行終朝祇遠石峯側
石峰何曾遠江路自不直仰瞻碧孱顏清峻如立壁
反覆得細看何必更登陟

後顧江已遠前睨山若^寒棹進岸自回天水未有極簾
欣入絕巘舟愕觸潛石東瞰澹未熹北吹寒更寂岸
草不知愁向人弄晴碧

澄潭湧暗暈不風自成花回流如倦客出門復還家
江晴已數日新漲沒旧沙知是前溪雨濕雲尚橫斜
山轉江亦轉江行山亦行風襲照玉鏡素練縈青屏
我本山水客澹無軒冕情塵中悔一來事外懷孤征

忽乘滄浪舟仰高俯深清餐翠腹可飽飲淥身病輕
鷓鴣不相識还作故園聲

危峯空無土平地岌孤石如何半巖間亦有小樹碧
走空根苦辛倚險榦寒瘠芳蘭間叢生紫莖濯齒色
近香許世聞遠秀絕人摘而我雲外身方茲唱行後^役城
中安得山無山安得詩我入五年城遠與山水詳有
鏡不敢覽塵面我自知解組來歸亭山水奔相隨
水光動我中山色染我衣舟行將一月恨速不恨遲
山雲來未已江月皎無滓^平開懷放之入出語頗似
之

我從靈洲來惟見芳草渡蒹葭隨水遠曠野無立樹
掛席上真陽好山忽無數好山如隱士避世不自露
不應官道傍乃有見山處借識衛叔玠未覩樂彦輔
石峯難再得舟過更回顧
南中山絕佳所恨人烟稀畧無好事人結茅臨深溪
峯頂可月亭岸石即釣矶空令烟中猿掛崖弄漣漪
山多人自少人遠山益奇我舟行不畱過眼山如馳
過眼意已足久畱亦何為

遠峯

孤嶽秀何似碧蓮含未開誰將脩月斧斲取一尖來

江上松徑

一日江行百折中回頭猶見夜來峯好山十里都如
畫更與橫排一徑松

上濠浪灘

清江斜抱嶺根來暗石衝波却倒回幸自瑠璃青一
片落灘碎作雪花堆

回望摩舍那灘石峯

好山近看未為奇遠看全勝近看時回望七峰雲外
笋兩峰高絕五峰低

明發白沙灘聞布穀有感

提壺勸我飲杜鵑勸我歸不如布穀子勸我勤耕耘
我少貧且賤不但無置錐筆末墾紙田黑水導墨池
借令字堪煮識字亦幾希啼飢如不聞飢慣自不啼
駭奔三十年辛勤竟何為髮從道塗白面為風雨黧
夜來白沙灘老命輕如絲洪濤舞一葉呼天叫神祇
生全乃偶然人力初何施曉聞布穀聲如在故山時
坐令萬感集初悟半世非一險靡不悔數悔庸何追
有田不歸耕布穀真吾師

寄賀建康留守范參政端明

衮衣不是未教歸不合威名滿四夷天與中興開日

月帝分萬乘半旌旗春生錦綉山河早秋到江淮草
木遲卧護北門暮月滿却專堂印鳳皇池
一生狂殺老猶狂只炷先生一瓣香不為渠儂在廊
廟無端將相更文章江南海北三千里玉唾銀鈎十
萬行早整乾坤早巖壑石湖風月剩分張

荔支堂

荔子陰中風絕涼菖蒲節後日偏長落殘教柄荷花
葉浸得一瓶泉水香多病早衰非破硯欲行復倦且
胡床曲江迤北差遲暑不道江山勝五羊

風雨

殘風剝雨故欺人垂箔闔窗護病身自拾荷花揩面
汗新將筍箨製頭巾梅天筆墨都生醜斐几文書嬾
拂塵帽子一峯青可掇隔牆不敢略開門

謝從善挽詞

一腹儲三篋雙鉤挽萬牛行身平中準閱世淡于秋
紫詰猶新墨霜髯忽古丘清風未作記挂劍浹川流
送彭元忠縣丞北歸

君從循州來却向饒州去拍天海浪拂日峯瓊尺裁
成錦機句學詩初學陳後山霜露皮脫尽山骨寒近來
別具一隻眼要踏唐人最上關三春弱柳三秋月半

溪清冰半峯雪只今六月無此物君能喚渠來入筆
恰則新鷺白嚙聲忽有寒蛩終夜鳴瀟湘故人江漢
客為君一夜頭尽白我欠天公詩債多霜髭撫畫未
償它君懷玉槃金叵羅合騎天駟起天河如何也鑄
一大錯自古詩人多命薄黃茅起烟如黃沙瘴母照
永曼陀花廣東之游樂復樂勸君不如早還家

行部決獄宿新隆寺觀卽至完題壁

道鄉千古一清風雪壁銀鉤墨尚濃若爰殿前蒼玉
佩斷無身後碧紗籠

題望韶亭

新隆寺後看韶石三三兩兩畧依稀金坑津頭看韶
石十五五不整齊一來望韶亭上看九韶八音堆
一案金鐘大鑪浮水涯玉瑟瑤琴倚天半堯時文物
也麗踈禮樂猶火鴻荒餘茅茨殿上槌玉鼓菁籥聲
外無笙等黃能即君走川嶽領取后夔搜禮樂嶧山
桐樹半夜鳴泗水石頭清晝躍山祗川后爭獻珍姚
家制作初一新帝思南嶽來時巡宮琛廟寶皆駿奔
曲江清澈碧瓊軟海山孤尖翠展屏天顏有喜后夔
知一奏雲韶供亞飯帝登九疑忘却歸不知斑盡湘
笛技后夔一腔跛莫隨坐委衆樂江之湄儀鳳舞獸

掃無跡獨留一狡守其側至今喚作獅子石兩淋日
炙爛不得洞庭張樂已甚苦捷為獲磬亦塵埃不如
九韶故無恙戛擊尚可冬起雷何時九秋霜月裏來
聽湘妃瑟聲美曲終道是不見人江上數峯是誰子

憩楹塘驛

夾路黃茅與樹齊人行茅裏似山鷄長松不與遮西
日都送清陰過隔溪
松鳴竹嘯响千崖為底炎蒸吹不開自是笋輿趨北
去薰風不是不南來

官道古松

翠旌綠纛夾車輪
龍作長身鉄作鱗
莫笑道傍教松樹
古來老却幾官人

嘉定元年春三月男長孺編定

端平元年夏五月門人羅茂良校正

誠齋集卷第十六

誠齋集卷第十七

廬陵楊萬里廷秀

詩

南海集

南雄驛前雙柳

外計堂前柳絕奇
南中無此兩渦絲
午風不動休嫌暑
要看枝、自在垂

南雄解舟

一昨春江上水船
即非上水是登天
如今下瀨江無水
始信登天却易然

過建封寺下連魚灘

江收眾水赴單槽石壁當流闊雪濤將取危舟飛過
去黃頭郎只兩三篙

夢裏篙師忽叫灘老夫驚殺起來看前船過盡知無
慮末後孤舟膽自寒

六月十八日立秋送客夜歸雨作

青天赤日更黃埃迎送紛々正往來一夜炎蒸無計
柰三更風雨頽秋回人生作麼禁寒暑世事何如付
酒杯逸莫髯間點霜雪何曾筆硯減瓊瑰

送廣帥秩滿之官丹陽

北門卧護要耆英小試胷中十萬兵天借金山吟落
月身兼鉄瓮作長城何如嶺上日歸路摘取梅酸去
作羹已有紫泥教詣闕便應留住付鈞衡
南海元戎禁從臣却昇北斗捧星辰回頭五嶺忽千
里屈指賢才添一人笑別廣平堂下月歸看太極殿
前春一尊話別端何有綠水青山更白雲

晚步

晚暑無涼可得尋小風一點慰人心斜陽碎入高榕
葉翻作青瑤覆作金

寄題臨武知縣李子西公辭君子亭

王家喚竹作此君周家喚蓮作君子泥中懷玉避俗
塵水上開花超大地紅裳翠蓋映眼中欲往從之隔
秋水牡丹貴人非吾徒籬菊隱士堪隣居李侯岸巾
對芙蓉不寄新詩來起予

謝木韞之舍人分送講筵賜茶

吳綾縫囊染菊水蠻沙塗印題進字淳熙錫貢新水
芽天珍誤落黃茅地故人鸞渚紫微郎金華講徹花
草香宣賜龍焙第一綱殿上走趨明月璫御前啜罷
三危露滿袖香烟懷壁去歸來拈出兩蜿蜒雷電晦冥
驚破柱北苑龍芽內樣新銅園銀範鑄瓊塵九天

寶月霏五雲玉龍雙舞黃金鱗老夫平生爰煮茗十
十燒穿折脚鼎下山汲井得甘冷上山摘芽得苦梗何
曾夢到龍遊窠何曾夢喫龍芽茶故人分送玉川
子春風來自玉皇家鍛圭椎壁調冰水烹龍魚鳳搜
肝髓石花紫笋可衙官赤印白泥牛走爾故人氣味
茶樣清故人風骨茶樣明開緘不但似見面叩之咳唾
金石聲趨生勸人墮巾幘睡魔遣我拋書冊老大七
碗病未能一啜猶堪坐秋夕

荔枝堂夕眺

夕峯褪日半鉦多秋漢吹雲一絮過寂寂庭松今兩

月鶴雛去盡只留窠
病骨秋矐怯暮清涼風偷帶北風輕
迎寒窓隔重糊
遍只放書邊教眼明
閏年秋淺似秋深蟋蟀秋愁傍砌吟
今日初三元未
覺西樓西角一鈞金

羅仲憲送蔣某謝以長句

學琴自有譜相鶴自有經
蔬經我緒盡不見蔣某名
金華詩裏初相識玉友尊前每相憶
坐令芥孫薑子
芽一見風流俱避席
取士取名多失真
向各許靖亦
誤人君不見鄭花不得半山句
却參魯直稱門生

曲江重陽

烟描水寫老秋容
嶺外秋容也自濃
如見大窟新露
菊若歌高頌曉風
松揀花醉照瀟溪
井吹髮慵登帽
子峰莫問明年衰
與健菜萸何處不相逢

九日郡中送白菊

未應白菊減于黃金作鈿心
玉作裳一奩西風開瘦蕾
兩年南海伴重陽
若言佳節如常日
為底寒花分外
香按蕊浮杯莫多著
一枝留插鬢邊霜

擬題綿州推官廳六一堂

唐子西集載謝固為綿州推官
六一之廨歐陽

公生焉謝作六一堂求子西賦詩云即彼生處所
館之與周旋予謂此非子西得意句也輒擬而
賦之

一代今文伯三邑昔產賢白珩光宇宙藍水暗風烟
有客曾高枕升堂見老先夢中五色筆猶為寫鳴蟬
擬進士金波麗鳩鵲詩

曳練為銀漢鎔金作月波桂華斜麗處鳩鵲得光多
雲葉三秋淨菱花一鏡磨宮簷暉水竹觀影淡星河
霧濕殘宵柝霜明欲曉珂螭頭餘映在劍佩已相摩

督諸軍求盜梅州宿曹溪呈葉景伯陳守正傳禪師

南斗東偏第一山白頭初得扣禪關祖衣半似雲來
薄金鑰繞開霧作團一鉢可能盈尺許千年有底萬
人看今宵雪乳分龍焙明日黃泥又馬鞍

曉吹黃竹莊

染練江山宿雨餘枝葉潤如酥絲窠瓔珞消多
少破盡天公百斛珠

瑄仄款、欲飛聲日到牽牛第幾星地底陽生人不
覺燒痕未冷已青

城中殊未有梅看莫是冬暄欠淺寒行到深山最寥

處兩株香雪照冰灘

上峯水崩

危峯上面更危峯特地無梯上碧空遙望白雲生絕頂如今身在白雲中
天上雲泉脚下鳴玉虹倒掛客心驚試教轉落峯頭石滾到深處作麼聲

過峯水

石瘦銅昌綠溪腥膽水黃是間無馬跡何處更羊腸
惡路今方始平生夢未嘗如何寒刮骨行得汗如漿

野吹白沙上

半日山行底路途欵炊無店糶無珠旋將白石支燃
鼎却展青油當野廬一望平田皆沃壤只生枯葦與
寒蘆風餐露宿何虧我玉饌瓊樓合屬渠

至節宿翁源縣與葉景伯小酌

此縣誰言是強名古來十室六琴鳴只嫌六七茅竹舍
也有兩三鷄犬聲村酒分冬勝虛度霜風一夜辨新
晴半生客路逢佳節何曾負半生

至日宿藍坑小民居竹柱荻壁皆不土

一路都峯寂藍坑分外荒屋疎茅送月壁密荻分霜病
趾催趺坐殘更妬曉光暖寒無上策來早借朝陽

曉晴過猿藤迳

厭雨欣初霽會程敢宴眠排天獲壁起爰日一峯先
入迳惟逢樹無人况有烟藤深猿不見聲到客愁邊

古路

我生倦行路此行欣不辭我豈與人異厭閑樂驅馳
王事當有行忘身那自知聞盜入吾部梅川作潢池
白羽飛赤囊碧油走紅旗履霜戒不早蔓草要勿滋
士皆衝冠怒人挾報國私我行梅始花我歸柳應絲
會當揮螯弧一笑封鯨鯢休愁犖确路即賦競病詩

野吹猿藤迳樹下

迳仄旁無地林間忽有天丹楓明遠樹黃葉暗鳴泉
苔錦銀槍竈蘆茸玉帳毡從軍古云樂乞與箇山川

泉聲

初聞蟹眼雪花聲忽有仙人玉珮鳴時作微吟清入
骨又成幽咽怨多情聞知古澗飛泉落起看寒泓遠
石行欲解塵纓聊一濯無塵可濯誰纓

羽檄召諸郡兵

聞盜宵窺粵南兵曉盡東軍聲動岩谷旗影喜霜風
貔虎諸方集揔槍一笑空區、鼠子輩不是奏膚公

明菴瀧頭

黑甜偏至五更濃強起侵星散小慵輸與山雲能樣
懶日高犹宿夜來岑

過烏沙望大塘石岑

城中長恨不見山出城見山如等閑曹溪過了過岑
嶺不惟山粗石仍獷山如可師癩滿頂石如陳三癭
聯頌一路令人眼不開眼令人悶不醒烏沙未到
一溪橫水清見底心已清大塘六岑爭出迎水精筆
架琉璃屏兩岑玉筍初出土三岑冰盤釘角黍一峰
新琢金博山霧作沉烟雲作縷忽然前岡平截斷萬
丈清尖餘寸許山神解憐客子愁平地跳出蒼琳瓊

更借天公修月斧神工一夜忙凋鏤近看定何者遠
看真可畫山自賀應自詫古來此地无車馬

竹魚

晨吹烏沙有賣竹魚者身首如鰻而厚鱗如鯉
而正綠如竹色云

銀魚色如銀竹魚色如竹渭川干畝秀可掬都将染
成一身綠魚生竹溪中家在竹根菱荇叢晝餐竹葉
與竹米夜飲竹露吹竹風前身王子猷今身赤鯁公尺
知爰竹判却命作此君蒼雪漁翁客夜傍竹溪宿魚
驚釣絲水底縮朝來釣得水蒼玉先生笑捫藜覓腹

蕈子

空山一雨山溜急漂流桂子松花汁土膏鬆暖都滲
入蒸出蕈花團戩忽起立撥開落葉戴穿落葉百數十蠟
面黃紫光欲濕酥芝嬌脆手輕拾響如鶯掌味如蜜滑如蕁絲無
點澁傘不如笠釘勝笠香苗齒牙磨射莫及松蒸楮鷄避
席揖餐玉如芝當却粒作羹不可疎一日作腊仍堪
貯盈笈

食鷓鴣

江南厭听鷓鴣曲嶺南初嘗鷓鴣肉年雨落細花春鉤
輒格磔惱殺人竹鷄泥滑報行客鷓鴣更道行不得

方兄百輩買一隻可惜羽衣錦狼籍

宿小粉村

宿暮溪邊小粉村一峯如畫正當門看來山色原無
粉拂殺濃藍淺黛痕

塘間

山逢塘間冠南中小大高伍十九峰東畔連尖尤絕
秀一雙銅綠翠蒙茸

入陂子迳

下一崩未上一崩上如登天下如井人言箇是陂子迳
猿藤迳裏無居民陂子迳裏無行人冷風瀟灑日杲

杲露湿半黄半青草前日猿藤犹有猿今此一鳥亦
不喧樹无紅果草无葉縱有猿鳥將何餐兩山如壁
岸如削一逗綠空岩容脚溪聲千仞撼林壑崖石欲
崩人欲落未日長峰逗更長坡子逗荒未是荒蔣家三
逗未入手嶺南三逗先斷腸

過陂子逗五十餘里喬木蔽天遣悶七絕句

林中亭午始微明楓到杉頭滿路橫黃葉青赤深一
尺先生却愛此中行

草光葉潤亦清佳翠裏生香不是花一事說來人不
信巖長如樹蚓如蛇

廬深石路旋芟開藤紐肩輿却倒回蘭蕙連山為誰
好芭蕉滿谷不緣裁

為憐上轎蓄人肩下轎行乘脚底穿客子心愁欲
暮碧雲偏作半陰天

晚風寂、樹陰、松不悲鳴竹不吟只有清泉逢白
石向人刺口說山林

澗泉勸我出山遲曲、遮苗步、隨泉自多情儂自
悶今宵會有出山時

山窮喜見一平州不似林中不識天只出此山溪便散
何須更問小行年

過長峯遇雨遣悶十絕

南人謂深山長谷寂無人烟中通一路者謂之
迳自翁源至河源其迳有三猿藤陂子各五十
里惟長峯餘百里過者往、露宿鑽火以炊予
以半夜一晝疾行出迳宿秀溪云

說著長峯十日愁夜未獲處四更頭莫令炬火風吹
黑未說紅紗絳蠟休

百里如何一日行暗天犹自急追程山雲管得儂愁
雨強做催詩數點聲

野炊未到也飢嗔到得炊边却可人傘作旅亭泥處

坐水漂池窻雨中薪

石上菖蒲鐵作鬚寸根九節許清臞安期自是參渠

底却重安期不重渠世傳期生食蒲澗
九節菖蒲而仙去

一眼空山空復空款蘆倒荻雨和風却綠小隊旌旗
過教得青楓學著紅

何須人跡到來曾點汙松風澗水聲不是先生愛山
水是間却遣阿誰行

猿藤陂子枉驚吁未抵長峯小半塗今夕前頭何許
宿不知出得迳來無

下到危坡手處泥旁臨崩岸仄及邊溪不須杜句能驅

瘡只送長峯遣悶詩
出得山來未見村已知村近稍多田坐看雲脚都垂
地回望峰頭已入天
鱗是鰕兄非善地橘和辨種帶穰栽烏稗不熟還無
事小艇難乘莫再來

明發曲玩

雲橫平野近人低似縠如紗只隔溪行到溪東元不
見回頭却復在溪西
露草欣逢曉日新各將珠琲間星珍紅光影裏如何
揀顆圓明顆勻

發明龍川

山有濃嵐水有氛非烟非物亦非雲北人不識南中
瘴只到龍川指似君
優入蠻溪受瘴烟一生誰料到龍川早書實歷還山
考便是中書九閏年

發通衢驛見梅有感

忙中掠眼雪枝斜落片紛、點玉沙虛過一冬妨度
事不曾款曲是梅花

過五里迳

瘦日當中暖稍回冷山未許瘴全開溪光遠隔深、

竹特地穿簾入轎來
野水奔流不小停知渠何事太忙生也無一箇來催
促自愛爭先落澗聲
入山無路出無門鳥語猿聲更斷魂當處迷途何處
問一溪引我得前村

晨炊浦村

水出何村尾橋橫亂條叢隔溪三四屋對面一隻峯
過午非常暖疑它不是春疎梅照清淺作意為誰容
宿長樂驛：皆用葵葉蓋屋狀如樓葉云
都將葵葉蓋亭中樹似梳柳葉似樓欲問天公覓微

雪裝成急響打舡篷

題與寧縣東文巖瀑泉在夜明場驛之東

笋輿路轉峯欹傾只聞滿山泉水鳴卷書急開已半
失眠不停注耳細听石如鐵色黑壁立鏡面平水從
鏡面一飛下斷笛織簾風濤生石知水力倦半壁鍾
作玉一泓水行到此欲小憇後水忽至前水驚分清裂
白兩派出跳珠躍雪雙龍爭不知落處深幾許前
井底碎玉聲安得好事者泉上作小亭釀泉為酒不
用趨春風吹作蒲萄綠醉寫泉声入枯木何處更尋
響泉曲

入程鄉縣界

長樂昏嵐著地凝
程鄉毒霧喚人腥
吾詩不是南征集
只合標題作瘴經

明發梅州

市小山城寂
舡稀野渡忙
金暄梅蕊日
玉冷草根霜

霜草

霜前亂碧未全枯
霜後絲黃却更蘇
偷喫瑤臺清女粉
都生瓊髮與銀鬚

夜宿房溪飲野人張珣家桂葉鹿蹄酒其法
以桂葉為餅以鹿蹄煮酒釀以八月過是期

味減云

桂葉揉青作麪投
鹿蹄煮醪趁涼簫
落杯堂滑冰中水
過口森嚴菊底秋
玉友黃封犹退舍
麪湯蜜汁更輪籌
野人未許傳醅法
刺買雙餅過別州

明發房溪

山路婷々小樹梅為誰
零落為誰開
多情也恨無人買
故遣低枝拂面來

瘴霧

午時犹未識金烏
對人看面一似無
蠟月茅黃犹尔許
不知八月却何如
南中八月黃茅瘴盛之時

過水車鋪

盡日途中斷客行
兩邊山色到雲青
溪光搖碎黃金日
波面跳成白玉星

轎裏看書得晝眠
夢中驚浪撼魚舡
覺來書卷風吹亂
忘却前篇與後篇

宿萬安鎮

來朝送入鰐魚鄉
未到潮陽到揭陽
休說春風歸路遠
只今去路不勝長

過單竹洋送

兩西
山何許來此鳥
忽相尋摩肩不少讓
爭道各載駸駸

喬木與修竹相招
為茂林無風生翠寒
未夕起素陰
天垂木末近日到
谷底深室山時自響
已動客子心
行至幽絕處更聞啼
恠禽

自彭田鋪至湯田道旁梅花十餘里

一行詰誰裁
十里梅下臨溪水
恰齊開此行便是無
官事只為梅花也合來

觀湯田鋪溪邊湯泉

下泓堪浴上堪煎
陽火熬成未必然
海底自升波自沸
偶分一脈作湯泉

湯田早行見李花甚盛

此地無春信年：只是梅南中春更早臘月李花開
似如梅花早同時間雪膚新年三二月還解再開無

雨中道旁叢竹

竹色豈不好道旁端可嘆只教寒雨裏將冷洒行人

雨中梅花

霜晴三日不甚佳忽做陰霖送歲華客裡清愁自無
奈却教和雨看梅花

過瘦牛嶺

行盡天涯未遣休梅州到了又潮州平生豈願乘肥
馬年老須教過瘦牛夢裡長驚吹劍首春前應許賦

刀頭夜來尚有餘樽在急喚渠儂破客愁

題瘦牛嶺

牛頭定何向牛尾定何指我不象汝心我不穿汝鼻
如何不許見金牛霧隱雲蔽若相避行：上牛背上
下三十里一雨生新泥寸步不自致胡不去作牽牛
星渴飲銀河天上水胡不去作帝籍牛天田春風牽犁
耜却來蠻村天盡頭塞路長遣行人愁夕陽芳草只依
旧瘦牛何苦年：瘦

道旁草木

山無人趾草長青異彩奇香不識名只是苔花蕪蘇

葉也無半點俗塵生
古樹何年澗底生只今已與巔般平千梢萬葉死重
數一一分明作雨聲

葵葉

弱笠端能直幾錢騎奴不擬雨連天蓋頭旋摘山葵
葉擘破青、傘半邊

過金沙洋小海

海霧初開明海日近樹遠山青歷、忽然咫尺黑如
漆白晝如何成暝色不知一風何許來霧開還合合
還開晦明百變一彈指特地遣人驚復喜海神無處

逞神通放出一班夸客子須臾滿眼曾胡舡萬頃一
碧波黏天恰似錢唐江上望只無兩點海門山我行
但作遊山看減却客愁九分半

揭陽道中

獸穿山徑石嶽嶽喜見山原路坦夷更看兩行圍樹
子引人行遠不教知
地平如掌樹成行野有郵亭浦有梁舊日潮州底處
所如今風物冠南方

宿潮州海陽館獨夜不寐

醉來還睡、還醒長是三更夢便驚納數更聲有何

益不然作麼到天明
臘前蚊子已能歌揮去揮來奈爾何一隻攪人終夕
睡此聲原是不須多

謁昌黎伯廟

南海行數徧東潮欠一來若無韓子廟只有越王臺
文字天垂日興亡草上埃聊吹鱈魚水洒起六下雷

題韓亭韓木

老大慵韓家十八郎猶將雲錦製衣裳至今南斗無
精彩只教文星一點光

笑為先生一問天身前身後兩般看亭前樹子綠何

事也得天公賜姓韓

嘉定元年春三月男長孺編定
端平元年夏五月門人羅茂良校正

誠齋集卷第十八

詩

南海集

登南州奇觀前臨大江浮橋江心起三石臺
皆有亭子

梅邊樓閣海邊山銀燭初收霽日寒
看者南州奇觀
了人間山水不須看
玉壺水底卧青龍海外三山墮
眼中奇觀揭名渾未
在只消題作小垂虹

廬陵楊萬里

廷秀

平賊班師明發潮州

不是潢池赤白囊何緣杖履到潮陽官軍已掃孤必
窟歸路莫孤山水鄉便去羅浮參玉局更登浴日折
扶桑還家兒女搜行李滿袖雲烟雪月香

潮陽海岸望海

動地驚風起海陬為人吹散兩眉愁身行島北新春
後眼到天南最盡頭衆水莫來何處著千峯赴此却
回休客間供給能消許萬頃烟波一白鷗

除夜宿石塔寺

醉後先眠客莫嗔誰能守歲費精神幸無爆竹驚寒

夢休羨椒花頌好春今歲明年總隔夕人情物態頓
趨新遙憐兒女團欒處止欠屠酥第十人

壬寅歲朝葭石塔寺

每飲屠酥
予居第十

曉鐘夢裏苦相呼強裹烏紗照白鬚只有銅爐燒柏
子更無玉盞瀉屠酥佛桑解吐四時豔鐵樹還如九
節蒲省得一朝疲造請却教終日走長途

寺法堂前有紅綿
桑當時有花又有米名
鐵樹葉似蕩而紫
榦似密節菖蒲

晨炊黃岡望海

望中雪嶺界天橫雪外青瑤甃地平白底是沙青是
海捲簾看乃却心驚

海岸沙行

海濱半程沙上路海風吹起成烟霧行人合眼不敢
觀一行一步愁一步：瘡沙沒芒履不是不行
不去若為行到無沙處寧逢石頭齧足拇寧踏黃泥
濺袍袴海濱沙路再莫度

榕樹

直不為楹圍不輪斧斤亦復救渠薪數株連碧真成
菌一腔空肥總是筋

食車螯

珠宮新沐淨瓊沙石罅初燃滄水花紫殼開旋微點

滴玉膚莫熟要鳴牙
枵拖金線成雙美薑擘糟立
併一家老子宿醒无解處
半杯羹後半甌茶

食蠣房

蓬山側畔屹蠔山懷玉深藏萬壑間
也被酒徒勾引着荐它尊姐解它顏

食蛤蚶米脯羹

飲來白顆恰盈盃
剝作杯羹未屬厭莫遣下鹽傷正味
不曾著蜜若為甜雪楷玉屑全身瑩
金線冰鈿半縷纖更浙香杭輕粉却
葭揮風韻十分添

食銀魚乾

初疑柘繭雪爭鮮又恐楊花糝作毡却是剪銀成
此葉如何入口軟于綿

烏賊魚

秦帝東巡渡浙江中流風緊陸書囊至今收得磨殘
墨猶帶官車載鮑香

泊流潢驛潮風大作

忽看草樹總離披記得沙行昨日時除却潮來無別
事海風動地亦何為

潮來潮去有何功費盡辛勤辨一風若使無風潮自
至信他海伯有神通

正月三日宿范氏莊四首

開歲又涉三我征良未休沙行地一平百里縱避眸
景穰物自欣磧迫情反愁中田緬雲莊聊復稅我輶
追程有底急行急能至不三峯從何來駿奔若鳴騶
當戶不忍去襄回為人留對之成四友呼酒與獻酬
我醉山自醒相忘却相求

野殘得幽咏不吐聊自味健步忽傳呼云有遠書至
開緘祇暄涼此外無一事奇懷坐消暹追省寧復記方
驩還成悶俗物真敗意山鵲下虛庭對語含喜氣一
笑起振衣吾心本無滯

酒名忘憂物未盡酒所長醉後忘我身安得憂可忘
我飲初不多不可無一觴平生難為酒甘醴斷不當
要與水爭色仍復菊敵香氣盡春午夜味旭秋凜霜
三杯合自然一滴詣醉鄉竭耒困行役名酒安可常
甘淡俱不擇芳冽那得漿酒味何必佳一醉徑投床
但令有可飲不醉亦何妨

山歷愁寡天涉征恨多地兩日行海濱雖近彌不至
遐瞻道旁猴我進渠祇退大風來無隔午懊皎安避
今夕范氏莊初觀三峯翠愈遠故絕瑕不多始足貴
嶮然半九出^凡廬若一拳細輕風澹晚秀^霏隕然花春媚

翫久有餘佳繪若未必似今夕勿掩扉月中對山睡

初四日晨吹橫翠亭

近看三峯失一峯其餘俱與昨來同多情橫翠庭前
玉伴我同行兩日中

人日宿味田駟

破駟荒涼晚解鞍急呼重碧敵輕寒南中氣候從頭
錯人日青梅已醱酸

登大鞋嶺望大梅

杖履千峯表波濤萬頃前瓊天吹不足銀地濕無邊
一石當流出孤峰卓筆然更將垂老眼何許看風烟

晨吹叱馭驛觀梅邊野燒
南海驚濤卷玉缸北山野燒豎紅幢山神海伯爭新
巧併慰詩人眼一雙

海岸七里沙

大風吹起翠瑤山近看還成白玉團一浪掀先千浪
怒打崖裂石與君看
行人莫近岸邊行便恐波頭打倒人若道岸高波不
到玉沙猶濕萬痕新

宿南嶺驛

廠手猶拳已箸長菊苗何羨初甲嘗山村富貴無人

享一路春風野菜香

茅花似雪復如茸一望平原淺草中
日何人揮玉塵知將何事語春風

初十日早炊蕉步得家書並家釀

潢池東定得西還病後途中竟鮮惟為喜朝來有新
喜庭幃一騎報平安
年々自漉雪前醅今歲無緣得一杯政是荒村愁絕
處家中送得幾尊來

惠州豐湖六名西湖

左瞰豐湖右瞰江五峯出沒水中央峰頭寺樓

月清殺東坡錦繡腸

三處西湖一色秋錢塘潯水更羅浮東坡原是西湖
長不到羅浮便得休

正月十二日遊東坡白鶴峯故居其北無邪
齋真跡猶存

詩人自古例遷謫蘇李夜郎並惠州人言造物困嘲
弄故捉各遣一處囚不知天公愛佳句曲與詩人為
地頭詩人眼底高四海萬象不足供詩愁帝將湖海
賜湯沐僅一可以當冥搜却令玉堂揮翰手為提椽
筆判羅浮羅浮山色濃潑黛豐湖水光先得秋東坡日與

群仙遊朝蔭崑閭暮不周雲冠霞佩照宇宙金章玉句
鳴天球但登詩壇將騷雅底用蟻穴封王侯元符諸
賢下石者祇與千載掩鼻羞我來剝啄王粲宅鶴峯
無恙江空流安知先生百歲後不來弄月白蘋洲無人
挽住乞一句猶道雪浮湍乳水當年醉裏題壁處六丁
已遣雷電收一獨遺无邪四箇字鸞飄鳳泊蟠銀鈎
如今亦無合江樓嘉祐破市風颼

解舟惠州東橋

南官寧差北西歸敢再東猿声雲樹月客枕露船風
綠髮春全白蒼顏酒不紅莫憎愁與病留取伴一衰翁

放船

岸、人家住門、水面開老翁扶杖立禪子看船來
一夜鳴春雨諸灘漲綠醅流順行似自快更着地北風催

感興

行投忘衰暮逢春感物華一來梅嶺外三見木綿老
山鹿寧游市江鷗本卧沙紅塵無了日白髮未還家

夜泊曲灣

順流一日快舟行薄暮風濤特地生不是江神驚客

子勸人早泊莫追程

曲灣放船

梅子成陰夾道周末綿吐焰滿江頭春來不是無桃

李臘月花開已落休

石灣兩作得翠采若書約觀燈

昨暮顛風浪打頭那知今日得安流元宵不為遊人
好細雨先供客子愁病骨支離妨酒棧詩仙招喚試
燈毬書生薄命多磨折樂事良辰判却休

舟中望羅浮山

羅浮元不是羅浮自是道家古蓬丘弱水只知斷舟
楫仙夜來偷惠州羅浮山高七万丈下視日月地上
流黃金為橋接銀漢翠琳作闕橫瓊樓不知何人汗

脚迹觸忤清虛沈寒碧天遣山鬼絕凡客化金為鐵
瓊為石至今石樓人莫登鉄橋不見空有名玉匙金
鑰牢鑲扃但見山高水冷我欲騎麟翳鳶鳳月為
環珮星為從前驅子晉後安期飛上峯頭斲丹永

南海東廟浴井亭

南海端為四海魁扶脊絕境信奇哉日從弱水稍頭轉
潮到古城國裡回最愛五更紅浪拂忽吹万里紫霞開
天公管領詩人眼銀漢星槎借一來

題南海東廟

羅浮山如万石鐘一肢南走如渴龍雷奔電激遮不住

直拉海瀆无去處低頭飲海吐絳霞舉頭戴著祝融
家珠宮玉室水晶殿万水一日朝再衙青山四圍作
城郭海濤半浸青山脚客來浴月亭上見海君殆
驚青山缺處如玉玦潮頭飛來打雙關晴天无雲濺
碎雪天下都無此奇絕大海京更在小海東西廟不如
東廟雄南來若不現到東廟西東未暗建章宮海神喜我
著綺語為我改容收霧雨乾坤軒豁未能許小試日光
穿漏句

鐳白

止酒愁无那哦詩意已闌鐳髭非急務也遣半時閑

和鞏采君遊蒲澗

南中道是島夷居也有安期宅一區屐齒苔痕猶故跡
霓旌鸞佩已清都元戎解領三千騎勝日來尋九節
蒲方壑松風和澗水鳴琴漱玉自相娛

船過靈洲

却緣野闊覺天低正值潮平善槳遲洲嘴兩船歸別
港岸頭數屋出踈籬江山慘淡真如昼烟雨空濛自一
奇病酒春眠不知曉開門拾得一篇詩

近岸

十日都無一日晴牽船客子總斜行一川黃犢朝

飽岸草何曾減寸青

泊鴨步

江流自在水風輕雲去天來半欲晴兩岸東西三十
里李花獨樹隔江明

明菴鴨步

兩歲春舡各一時今年舡快去年遲青山面目何曾改
清曉看來別樣奇

過黃巢磯

黃巢磯與白沙灘只是聞名已膽寒自笑南來三換歲
一年一度犯驚湍

望清遠峽

刺舡又入峽山間江水初平失惡灘道是峽山壩坎陰
老夫只作坦途看

舟人吹笛

長江無風水平綠也無鞞文也瓦穀東西一望光浮
空瑩然澄淨無瑕玉船上兒郎不耐閑醉拈橫笛吹
雲烟一聲清長響徹天山猿啼月澗落泉更打羊皮
小腰鼓頭如青峯手如雨中流忽有一大魚跳破琉
璃丈來許

近峽

望峽初愁遠當前忽不知如何船進處却在棹停時

清遠峽四首

峽水俱是泉非雨元自足不知幾滴珠成此一川玉
旁將山染翠仰為天寫綠何當雪月夜孤艇葦
間宿

清晨霧雨重不敢開船門小窓試微啟逗入一船雲何
曾燒龍麝香霏遠吾身在雲水上何許覓點塵

清遠望峽山、脚無半里小舟行其間五日翠未已
並駝兩蒼龍中央一玉水送我到英州渠當自回轡
誰開峽山寺正要避世喧深潭無來路斷岸有青天

療飢摘山果擊磬煩嶺猿人跡今擾々祇緣一漁船

光口夜雨

峽江清空峽雨急寒声半夜蕭々蔭玻璃盆面跳萬珠
一顆一声清入骨夢中搔首起來聽々未聽去到
天明一生聽雨今頭白不識春江夜雨聲

出真陽峽

過尽危磯出小潭回頭失却石岑峴春寒繚峭元無
事知我猶藏一布衫
細雨初來刺水紋三針兩線未教繁不知忽有何忙
處急洒千千萬々痕

峽嶺分明是假山乱堆怪石入雲間上頭更種青瓊
樹下照春江玉鏡寒

峽中出了又逢灘破浪牽船分外難只是峽中臨欲
別此灘留我再看山

江楓新染綠衣衫知費春風幾把藍道是春光在桃
李試險堯李儘教參

入峽長思出峽行出來却憶峽中清一江碧水供詩
硯兩岸青山作硯屏

只言英石冠南中不識真陽一兩岑邊莫陂隨將不
去將詩描取小玲瓏

今歲春流漲又銷水痕猶印石間茅浮槎却被春光
誤長樹江邊小樹梢
春光濃裏更江行
舫分明是水亭出了真陽恰惆
悵數峯如笋雨中青
出峽即見碧落洞數石峯
未必陽山天下窮
英州窮到骨中空
郡官只願無供給
支與真陽數十峯

山雲

春從底處領雲來
日下山頭絮作堆
戀着好峰那肯去
欲開猶遠兩三回

碧落洞前灘水

水知山近已先狂
箭往星奔趁下瀧
灘下回流能耐事
旋漚百轉看它忙
石峰背後即英州
只不教人到岸頭
羅帶春風吹不直
故將數摺惱行舟
碧落峯前上一灘
篙師叫得口都乾
開門將問舡行遠
只在峯頭芦荻灣

北風

山雨無休歇江雲正鬱蔥
如何急灘水更看打頭風
草作傷心碧花能可意紅
一年春好處却在道途中
正月二十八日峽外見燕子

社日今年定幾時元宵過了燕先歸一雙貼水嬌無
柰不肯平飛故仄飛

正月晦日自英州舍舟出陸北風大作

北風吹得山石裂北風凍得人骨折南來何曾識此
寒便恐明朝又深雪今朝幸不就船行白浪打船君
更驚只是山行也不好笋輿寸步風吹倒

英石鋪道中

一路石山春更綠見骨也無斤許肉一峯過了一峯
來病眼將迎者不足先生盡日行山間恰如蟻子緣
假山穿雲渡水千萬曲此身元不離巖岫莫嫌宿處

破茅屋四方八面森冰玉孤峯高絕連峯低圍者如
廩尖如錐蒼然秀色惜不得春風領入玉東西英州
那得許多石誤入天公假山國

神堂鋪前桃花

北江二月正春寒初見桃花喜未殘臘月潮州見堯
李元來不作好春看

過陳公迳

去年陳公迳裏行船中仰看愛松風只今身在松風
裏下看江船西復東
江行十里厭船遲却喚籃輿踏路泥江水別來繞兩

日陳公送下再相隨

鷺鼻舖前桃花

歸來長恐已春遲恰是春風二月時
路上桃花亦惟喜為人濃抹濕胭脂

南華道中

清曉新晴物、熙小風淡日暖
歸期不堪回首南華路去歲梅花細雨時

騎吏歡呼不要嗔二千里外北歸人
慙慙自掬曹溪水淨洗先生面上塵

荔枝歌

粵犬吠雪非差事粵人語冰夏蟲似北人
冰雪作生涯冰雪一窖活一家帝城六月日亭午市人如炊汗
如雨賣冰一聲隔水來行人未喫心眼開甘霜甜雪
如塵蔗年、窖子南山下去年藏冰減工夫山鬼失
守嬉西湖北風一夜動地惡盡吹北冰作南雹飛來
嶺外荔枝梢絳衣朱裳紅錦包三危露珠凍寒泚火
傘燒林下成水北人藏冰天奪之却與南人銷暑氣

嘗瓜

病骨那禁暑衰年更作愁有風依舊熱初伏幾時秋
瓜果誰新餉饒涎小恐休金盃井花水但看玉雙浮

風露盈籃至甘香隔壁聞綠搏鬯一搗白裂玉平分
蘇甃開冰段梅山失火雲老夫供晚酌不用辨羶葷

讀武惠妃傳

桂折秋風露折蘭千花無朵可天顏壽玉不忍金宮
冷獨獻君王一玉環

聖筆石湖大字歌有序

淳熙聖人錫宴臨遣端明殿學士參政臣范成
大居守金陵觴次肆筆作石湖二大字賜之以
寵其行臣大成以筆碑本分似小臣揚萬里敢
拜手稽首敬賦長句

石湖仙人補天手整頓乾坤屈伸肘爾來化作懶卧
龍簸弄珠璣漱瓊玖五雲萬里天九重玉皇深拱蓮
萊宮豈無九虎守閭闔北門半扉當朔風夜令靈師
勅風伯鞭起卧龍湖底月湖水卷上天中央却煩北門
護風雪仙人馭風乘綠雲玉宸殿上朝帝真帝將北
斗酌天酒冰桃碧藕脯麟麒傳呼玉螭吸銀浦點霜
調水澆月兔灑成羲畫河洛書白壁一隻浮雨露石
湖二字天上歸奎星壁宿落山扉昭回下飾吳花草
姑蘓臺前近太微詩人不直一杯水自是渠儂命如
紙教人妬殺石湖仙手攬星辰懷底袖

嘉定元年春三月男長孺編定
端平元年夏五月門人羅茂良校正

誠齋集卷第十八

